

四明叢書

張宗祥



00
2
10

康靖趙先生槃

趙槃字叔平其先河朔人徙于宋之虞城先生七歲而孤篤學自力年十七舉進士當時聞人劉筠戚綸黃宗旦皆稱其文詞必顯于時而其器識宏遠則皆自以爲不及天聖五年擢進士第三人通判海州累官觀文殿學士吏部尙書知徐州以太子少師致仕居睢陽十五年猶以讀書著文憂國愛民爲事集古今諫諍爲諫林一百二十卷奏之上甚喜賜詔曰大夫請老而去者皆以聲迹不至朝廷爲高得卿所奏書知有志愛君之士

雖退休山林未嘗一日忘也當置座右以時省閱元豐六年卒年八十八贈太師諡康靖前作遺範以戒子孫纖悉必具平生與人實無所怨怒始歐陽充公職爲知制誥人意先生不能平及充公坐累對詔獄人莫敢爲言先生獨抗章言其無罪爲仇人所中傷陛下不可以天下法爲人報仇充公以故得全先生旣老充公亦退居汝南先生自睢陽往從之游樂飲旬日

東坡後集

梓材謹案先生墓誌東坡代張文定爲之云余于公爲里人少相善也退而老于鄉日從公游是先生固文定舊游也

雲濠謹案王華陽誌先生墓言其初名公禪夢神

人持名簿視其上有金書趙槩字遂更今名後又
夢通判汝州旣釋褐乃得梅州蓋篆文汝與海相
近云

附錄

徐敦立却掃編曰趙康靖公旣休致居鄉里宴居之室
必置三器几上一貯黃豆一貯黑豆一空又閒投數豆
空器中人莫喻其意所親問之曰吾平日興一善念則
投一黃豆興一惡念則投一黑豆用以自警始則黑多
于黃中則黃多于黑近者三念俱忘亦不復投矣

盱江講友

鄧先生立

鄧立字公儀南城人舉進士年三十二卒先生生數歲
善記誦長而學成事父母孝謹撫其弟愛而有法服義
疾惡厭浮屠說不使汙其門見事不可雖在親戚多引
繩墨彈直李泰伯自始學善之志合道一云

旣江文集

進士傅先生代言

傅代言字□□與旣江生同鄉長同學心純行潔而外
不亢激見人善卑之若臣僕聞人過弗敢言其在己則
改不待頃好學有辭以進士試兩舉不利歸而疾卒年

四十五

盱江文集

梓材謹案盱江爲先生墓表乃其同學友盱江門人錄以爲學于盱江非也

盱江同調

馮先生休

馮休字□□□□人觀孟子書時有叛違經者疑孟子
沒後門人妄有附益刪去之著書十七篇以明其意前
乎先生而非孟者荀卿刺孟者王充後乎先生而疑孟
者溫公與孟辨者東坡然不若先生之詳也

晁氏讀書志

都官宋先生咸

宋咸字貫之建陽人天聖二年進士累官知邵武軍立學置田以養士移守韶州狄青經制廣西先生爲漕以功轉職方員外郎奏乞于瓊山立學賜經史以變夷風官至都官郎中所著有易訓毛詩正記外義論語增注揚子法言注朝制要覽諸書

姓譜

梓材謹案直齋書錄解題言先生嘗撰易明凡一百九十三條以正亡誤及得郭京舉正于歐陽公遂參驗爲易補注十卷皇祐五年表上之別有易訓未見易辨凡二十篇爲一卷劉牧之學大抵求異先儒穿鑿破碎故李朱或刪之或辨之李卽肝江李先生也閩書云所注易大爲歐陽文忠所稱賞

楊先生傑 別見泰山學案補遺

附傳

葉先生昌齡

葉昌齡字子長錢塘人治平中職方員外有周易圖義
二卷以劉牧鈎隱圖之失遂著此書凡四十五門

經義考

龍氏同調

忠獻范先生雍

范雍字伯純其先太原人後從孟氏入蜀先生十歲而
孤家甚貧母韓氏遣之就學常質衣以爲資舉進士補

洛陽主簿歷知端州獻所著文二十卷進太常博士
萊公辟貳留守司明道二年以戶部侍郎知陝州踰月
移京兆府入覲陳安邊六策進吏部侍郎出守西京既
而西戎叛授振武軍節度使鎮延安左遷戶部侍郎知
安州起吏部侍郎知河中府未行改京兆府加資政殿
學士以撫安關輔之勞改尙書左丞進大學士拜禮部
尙書卒贈太子太傅諡曰忠獻先生性恭和藏書萬卷
惟小書五經則常提攜左右與岷山處士龍昌期論易
深達微旨著明道集三十卷後集十卷彌綸集十卷

范文

正集

韓氏家學

補

僕射韓先生忠彥

梓材謹案先生諡文定見清江學案韓貫道傳
徐敦立却掃編云呂惠穆之壻爲韓文定忠彥

附錄

畢西臺狀其行曰蓋能用而不能舍能顯而不能晦能
處安樂而不能處患難皆非成德也能用能藏能顯能
晦能處安樂且能處患難然後爲成德始可言大矣故
曰公有大焉者此也

晁氏客語曰韓師朴拜相誥詞云使天下皆知忠獻之
有子則朕亦可謂得人

少卿韓先生治

韓治忠彥子徽宗時爲太僕少卿出知相州以疾丐祠

宋史
附傳

附錄

晁氏客語曰韓治與同僚處一日有卒悍厲眾皆怒之
惟韓不顧凝如平時徐言曰無忿疾于頑惟頑能致人
忿故也謂其有家學蓋魏公之後

韓氏門人

補 徽猷趙無媿先生君錫

梓材謹案先生事父良規至孝絕類徐仲車故朱子周禮三德說云孝德以知逆惡趙無媿徐仲車之徒是已

雲濠謹案宋史列傳言先生初稱東坡之賢遇賈易刻東坡題詩怒謗卽繼言其負恩懷逆宜宣仁后以爲全無執守也

文公蘇老泉先生洵 詳蘇氏蜀學略

王先生荀龍 別見范呂諸儒學案補遺

文忠蘇東坡先生軾 詳蘇氏蜀學略

王先生巖叟 詳見范呂諸儒學案

黎先生淳

附兄洵

黎淳

梓材案邵氏讀書志作黎錡

字希聲渠江人幼務學既冠與仲

兄洵遊京師當時儒宗石守道孫明復皆美其才韓忠獻召置門下譽望益顯第慶曆六年進士調利州節度推官累遷太常博士屯田員外郎歐陽文忠吳長文薦爲學官得國子監直講是時太學生凡千數諸博士講解先自撰口義升座徐讀而退無復辨析旨要先生獨不然置經于前按文釋義聽者樂聞其說咸宗向之凡守雅蜀眉簡四郡皆先德後刑務存治體不汲汲簿書

期會君子喜其勸小人畏其懲有古循吏之風元豐七年以朝請大夫致仕哲宗卽位加朝議元祐八年卒年七十九先生專經而信道常謂春秋錄舊史之文假聖師之筆行王者之事其文坦易其法簡嚴思之不必太深求之不必太過則有得乃探索蘊奧敷暢厥旨著春秋經解十卷大率以經爲主不汨于異家曲說之紛紜熙寧初魏公上其書于朝謂可置文館會貢舉更制春秋不爲科議乃寢先生亦浩然有歸意遂老于蜀

呂淨德集

附錄

邵氏郡齋讀書志曰黎氏春秋經解十二卷希聲歐陽公之客名其書爲經解者言以經解經也其後又爲統論附焉

吳薦宋賢贊曰三傳融心六一攸契經術揚庭結知英帝學仕兼優暫留斯致牋簡遺言百事爭媚

尹先生朴

尹朴字處厚河南人師魯之長子也幼博學能文通春秋知古今議論根蒂經史明白是非雖先達父友皆竦然屈服不敢以齒少遇之嘗一舉進士誤爲有司所絀

反笑曰是豈足以盡吾才耶師魯勉以應制舉于是所
記益廣所學益深師魯每歎曰吾道之克傳吾門之所
寄在此兒也不幸年二十五而卒

韓安陽集

附錄

邵氏聞見錄曰尹師魯以貶死其子朴方襁褓旣長韓
魏公聞于朝命官魏公至北京薦爲屬教育之如子弟
朴少年有才所爲或過舉魏公掛師魯之像哭之烏乎
魏公者可以謂之君子矣

通判張先生唐卿

張唐卿字希元青州人景祐元年賜第一人及第釋褐授將作監丞通判陝府事未數月治聲四出四年春丁父憂去職先生天性純孝自訃至晝夜號慟不絕聲踰月得疾嘔血而卒年二十八先生幼聰悟喜讀書不與諸兒相喜狎及長耽經史殆忘寢食與石守道游最相知守道嘗有書遺之曰他日主吾道者希元也韓安陽集

梓材謹案隆平集亦作張唐卿宋史誤孫唐卿其云少有學行年十七以書謁韓魏公公甚器之與黃庠楊真自景祐以來俱以進士爲舉首有名一時自得稱韓氏門人也

附錄